

Das drit Büchlein von den Corperlichen Dingen

S nun hie foren eyn wenig von den ebenen figuren
anzeigt ist/ will ich fürbas auch zum teyl/von den Corperlichen Dingen handeln/
die will ich erstlich auß den flachen figuren fürnemen also.

Ich nim zum ersten ein kirkelrund feldt .b. c. d. e. des Centrum sey .a. vnd far eben
mit oberfich so hoch als ich will/ so wirdt eyn runde seulen darauff.

Darnach nym ich eyn drianglich felt / des gleichen / eyn vierung / eyn fünffect / eyn sechsect vnd
far auch eben mit in die höch/ wie vor gemelt mit dem runden feldt/ so hoch ich will /so werden dar-
auff dreyect / vier / fünff / sechsect seulen / vnd so ich die ecketen vierungen im grund zwifach vers-
ruct durch eynander stechen laß/wie foren angezeigt ist vnd dann mit oberfich far / so werden aber
hüblich seulen darauff.

Item dise gründ zu den seulen magst du so von vil ecken machen als du wilt/auch mag man
sie gewunden machenn mit iren ecken/so vill sie oberfich streichen das man das gewind alweg so
vil auff die seitten wende/ oder halb so vill/ wie ich das hernach eyn wenig hab auffgerissen.